

Cyngor Iechyd Cymuned Aneurin Bevan

# Bwletin Newyddion Llais y Cleifion

## Prosiect y Gaeaf 2020

Yn dilyn llwyddiant prosiect y gaeaf y llynedd, bydd y Cyngor Iechyd Cymuned yn cynnal prosiect y gaeaf eto rhwng mis Ionawr a mis Mawrth 2020.

Nod Prosiect y Gaeaf yw casglu adborth ystyrion gan gleifion yn ystod misoedd 'pwysau'r gaeaf' a galluogi'r Bwrdd Iechyd i ymateb mewn ffordd ragweithiol i unrhyw faterion a all godi.

Caiff adborth ei gasglu drwy arolwg a fydd yn canolbwyntio ar y meysydd canlynol:

- Amseroedd aros
- Lefelau cysur
- Cyfathrebu

Caiff adborth ar brofiadau'r cleifion ei gyflwyno i'r Bwrdd Iechyd bob wythnos. Yna, caiff adroddiad cynhwysfawr ei gyflwyno i'r Bwrdd Iechyd ar ôl cwblhau'r prosiect.

## Prosiect Orthodonteg

Gwnaeth Cyngorau Iechyd Cymuned ledled Cymru lansio Prosiect Orthodonteg ym mis Hydref 2019. Bydd y prosiect hwn yn cyfeirio at bobl ifanc sy'n aros i gael triniaeth orthodonteg. Caiff arolygon eu hanfon at bob ysgol a chlinig Orthodonteg sy'n barod i gymryd rhan yn yr arolwg er mwyn cael adborth y cleifion ar y gwasanaeth. Caiff yr adroddiad terfynol ei anfon ymlaen i Lywodraeth Cymru gyda'r nod o sicrhau bod llais y person ifanc yn cael ei glywed.

Mae arolygon ar gael ar gais.

## Prosiect Fframiau Zimmer

Mae'r Cyngor Iechyd Cymuned wrthi'n cynnal arolwg ar dreialu fframiau cerdded lliwgar a gyflwynwyd yn ddiweddar. Anfonwyd arolygon at bob Cartref Nyrsio a phob Ward Ysbyty sy'n cymryd rhan yn y treial.

## Ymwybyddiaeth o'r Cyngor Iechyd Cymuned

Mae aelodau'r Cyngor Iechyd Cymuned wedi cynnal tri digwyddiad ymwybyddiaeth yn ddiweddar mewn fforymau 50+ lleol h.y.

- 6 Awst – Blaenafon
- 11 Medi – Pont-y-pŵl
- 22 Hydref – Cwibrân

Rhodddwyd cyflwyniad i bob grŵp er mwyn codi ymwybyddiaeth o rôl y Cyngor Iechyd Cymuned a'r gweithgareddau a gynhelir.

## Ymweliadau

Mae aelodau o'r Cyngor Iechyd Cymuned wedi cynnal 11 o ymweliadau i'r Ysbytai canlynol yn ddiweddar, rhwng mis Gorffennaf a mis Tachwedd 2019:

Ysbyty Ystrad Fawr x 1  
Ysbyty Brenhinol Gwent x 4  
Ysbyty Nevill Hall x 5  
Ysbyty'r Sir x 1

Mae copi o bob adroddiad ar gael ar gais.

## Eiriolaeth

O fis Gorffennaf 2019 hyd heddiw, mae ein Gwasanaeth Eiriolaeth wedi derbyn 60 o bryderon newydd. Mae hyn yn codi'n llwyth achosion cyfredol i 141. Nodir isod y pum prif faes gofal iechyd sy'n amlwg mewn pryderon:

- Gofal Sylfaenol – Practis Cyffredinol
- Gwasanaethau Canser
- Trawma ac Orthopedeg
- Gwasanaethau Iechyd Meddwl Oedolion

## Aelodaeth

Rydym wedi recriwtio'r canlynol yn ddiweddar:

- Tri Aelod Cyfetholedig:

Mr Byron Grubb, Mr Brian Potts a Mrs Susan Gaylard

- Tri Aelod yr Awdurdod Lleol:

Y Cynghorydd Graham Berry, Y Cynghorydd David Fouweather a'r Cynghorydd Huw Bevan

Os hoffech ddod yn aelod, ffoniwch 01633 838516 i gael gwybodaeth.

## Ffarwelio

Yn anffodus, bu'n rhaid i Gyngor Iechyd Cymuned Aneurin Bevan ffarwelio â Mrs Andrea Gage, Eiriolwr Cwynion, ym mis Hydref 2019. Hoffem ddiolch i Andrea am ei holl waith caled a dymuno'n dda iddi yn y dyfodol.

## Staff Newydd

Croesawodd Cyngor Iechyd Cymuned Aneurin Bevan ddau aelod newydd o staff i'r Tîm:

- Ymunodd Mr Luke Absolam â'n Tîm Gweinyddol ym mis Gorffennaf 2019
- Ymunodd Sarah Benson â'n Tîm Eiriolaeth ym mis Hydref 2019.

Cyngor Iechyd Cymuned Aneurin Bevan  
6-8 William Brown Close  
Tŷ Raglan  
Parc Busnes Llantarnam  
Cwmbrân  
NP44 3AB  
Ffôn: 01633 838516

E-bost: [enquiries.aneurinbevanhc@waleschc.org.uk](mailto:enquiries.aneurinbevanhc@waleschc.org.uk)

### **Fformatau hygyrch**

Os hoffech gael y cyhoeddiad hwn mewn fformat a/neu iaith wahanol, cysylltwch â ni. Mae ein cyhoeddiadau hefyd ar gael i'w lawrlwytho a'u harchebu o'n gwefan.

[www.patienthelp.wales.nhs.uk/aneurinbevan](http://www.patienthelp.wales.nhs.uk/aneurinbevan)